

Ge clann gun umhlachd bho thus ar linn' sinn
Na leg do lamh oirnn le strac na's dine.

Mar choill ged tha sinn 's a barr air crionadh,
Gun mhes, gun bhlath oirnn, ach tair is diobradh,
Thoir caochladh bheus du'n fo sheul do shio-
chaint,
'S na scath dhiot fein sinn mar gheugan criona.

Le tuigse mhathrail da'n gnath 'bni fìor lag,
Cha du do Ghall airde bheann a dhiredh :—
Ach, och, ma ranic sinn ceann ar criche,
Gur h-abhar broin agus doruinn cridh' e.

— x —

ORAN.

*A rinneedh 'n uair a dh' fhalbh Sir Iain Mac
Gilleain a Muile mu dheiredh.*

LE IAIN MAC AILAIN.

'S an Dreallinn tha air iomad fath
N fir 's na mnai fo thursa,
Mu'n ti so chuaidh do Shasunn bhuainn
D'a bheil an uaisle ghiulain.
Tha sinn ad dheidh mar ian air gheig,
Air cridh' am pein fo churam ;
'S chan fhaicer deut le gair air beul
'S an dig do sceul as ur oirnn.

Gur truagh 'nad dheidh 'tha gruaim nan speur,
Gun tes 's a ghrein bu du dhi ;
Gun samhradh fein no curs' a bheus'
Ach mar aimsir gheir na dulachd ;
Gun mhes air crann, gun fheur ach gann,
Gun chubhac ann, gun smudan ;
Gun selg nam beann ri 'faotuinn ann,
Gun damh 's a ghleann ri buirein.